

Հավելված
ՀՀ կառավարության 2020 թվականի
հունիսի 11-ի N 964 -Ն որոշման

Կ Ա Ր Գ

ՀԱՐԿԱՅԻՆ ԿԱՄ ՄԱՔՍԱՅԻՆԾԱՌԱՅՈՒԹՅԱՆ ԹԱՓՈԽԻ ՊԱՇՏՈՆ ԶԲԱՂԵՑՆԵԼՈՒՀԱՄԱՐ ՄՐՑՈՒՅԹ ԱՆՑԿԱՑՆԵԼՈՒ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով սահմանվում է հարկային կամ մաքսային ծառայության թափուր պաշտոն զբաղեցնելու համար մրցույթ (այսուհետ՝ մրցույթ) անցկացնելու կարգը:
2. Մրցույթով երաշխավորվում է Հայաստանի Հանրապետության քաղաքացիների համար հարկային կամ մաքսային ծառայությունում թափուր պաշտոններ զբաղեցնելու հավասար մատչելիությունը՝ իրենց մասնագիտական գիտելիքներին և կրմանական ներին համապատասխան:
3. Մրցույթը դասակարգվում է երկու տեսակի՝ Ներքին և արտաքին:
4. Ներքին մրցույթին կարող են մասնակցել Հայաստանի Հանրապետության պետական եկամուտների կրմիտեում (այսուհետ՝ կրմիտե) հանրային ծառայողները և կրմիտեի հարկային, մաքսային ու քաղաքացիական ծառայության կադրերի ռեզերվում զրանցված ծառայողները, որոնք բավարարում են հայտարարված թափուր պաշտոնի անձնագրի պահանջները:
5. Արտաքին մրցույթին մասնակցելու իրավունք ունեն այն քաղաքացիները, ովքեր բավարարում են «Հարկային ծառայության մասին» կամ «Մաքսային ծառայության մասին» Հայաստանի Հանրապետության օրենքներով հարկային կամ մաքսային ծառայության պաշտոն զբաղեցնելու պահանջներին, որոնց տվյալներում առկա չէ «Հանրային ծառայության մասին» օրենքի 14-րդ հոդվածի 1-ին մասով նախատեսված հիմքերից որևէ մեկը:

6. Հարկային կամ մաքսային ծառայության պաշտոն կամ հարկային կամ մաքսային մարմիններում քաղաքացիական ծառայության պաշտոն զբաղեցնող անձը (այսուհետ՝ ծառայող) սոյն կարգին համապատասխան իրավունք ունի մասնակցելու մրցույթին՝ իր ցանկությամբ, անկախ տվյալ պահին իր զբաղեցրած պաշտոնից:

7. Ծառայողի՝ մրցույթին մասնակցելու ժամանակահատվածը համարվում է աշխատանքից հարգելի բացակայություն:

8. Մրցույթի նախապատրաստական աշխատանքներն իրականացնում է կոմիտեի անձնակազմի կառավարման ստորաբաժանումը (այսուհետ՝ իրավասու ստորաբաժանում):

9. Մրցույթն անցկացնում է հարկային կամ մաքսային ծառայության թափոր պաշտոն զբաղեցնելու համար անցկացվող մրցույթի նպատակով ձևավորվող մրցութային համաժամկետությունը (այսուհետ՝ համաժամկետություն):

10. Մինչև արտաքին մրցույթ հայտարարելը կոմիտեի նախագահի որոշմամբ կարող է անցկացվել ներքին մրցույթ:

11. Հարկային կամ մաքսային ծառայության պաշտոնը թափոր մալրոց հետո տվյալ պաշտոնն զբաղեցնելու համար կարող է անցկացվել մեկ ներքին մրցույթ:

12. Եթե ներքին մրցույթին մասնակցելու համար ոչ մի դիմում չի ներկայացվել, ինչպես նաև եթե ներքին մրցույթին մասնակցելու համար դիմում ներկայացրած անձանցից ոչ մեկը չի ներկայացել կամ ներքին մրցույթի մասնակիցներից ոչ մեկը չի հաղթահարել թեստավորման փուլը, կամ թեստավորման փուլը հաղթահարած մասնակիցներից ոչ մեկը չի ներկայացել հարցազրոյցի փուլին, կամ հարցազրոյցի փուլ անցած մասնակիցներից ոչ մեկը չի հաղթահարել հարցազրոյցի փուլը, կամ հաղթահարել է հարցազրոյցի փուլը և պաշտոնի նշանակման համար դիմում չի ներկայացրել, ապա անցկացվում է արտաքին մրցույթ:

13. Եթե արտաքին մրցույթին մասնակցելու համար ոչ մի դիմում չի ներկայացվել, կամ ներկայացված բոլոր դիմումներում առկա է սոյն կարգով սահմանված սահմանափակումներից

որևէ մեկը՝ ապա արտաքին մրցույթը համարվում է չկայացած, և անցկացվում է նոր արտաքին մրցույթ:

14. Մրցույթն անցկացվում է երկու փուլով՝ թեստավորման և հարցազրույցի:

15. Մրցույթն անցկացվում է նաև մրցույթին մասնակցելու համար մեկ մասնակցի դիմելու դեպքում:

16. Մրցույթի թեստավորման փուլի ընթացքը տեսաձայնագրվում է, իսկ հարցազրույցի փուլի ընթացքը՝ ձայնագրվում:

II. ՀԱՐԿԱՅԻՆ ԿԱՄ ՄԱՔՍԱՅԻՆ ԾԱՌԱՅՈՒԹՅՈՒՆՆԵՐԻ ԹԱՓՈՒՐ ՊԱՇՏՈՆ ԶԲԱՂԵՑՆԵԼՈՒ ՀԱՄԱՐ ԱՆՑԿԱՑՎՈՂ ՄՐՑՈՒՅԹԻՆ ՊԱՏԱԿՈՎ ԶԵՎԱՎՈՐՎՈՂ ՄՐՑՈՒՅԹԱՅԻՆ ՀԱՆՁՆԱԺՈՂՈՎԸ

17. Հանձնաժողովը կազմված է առնվազն 5 անդամից:

18. Հանձնաժողովը ձևավորվում է կրմիտեի նախագահի հրամանով՝ հարկային կամ մաքսային ծառայության թափուր պաշտոնը համարելու նպատակով մրցույթ հայտարարելու դեպքում: Նոյն հրամանով հանձնաժողովի կազմից նշանակվում է հանձնաժողովի նախագահ, ով կազմակերպում և ղեկավարում է հանձնաժողովի աշխատանքները:

19. Հանձնաժողովն ունի նաև քարտուղար, որը չի հանդիսանում հանձնաժողովի անդամ: Հանձնաժողովի քարտուղար նշանակվում է իրավասու ստորաբաժանման պաշտոնատար անձանցից՝ կրմիտեի նախագահի հրամանով:

20. Եթե մրցույթի ընթացքում հանձնաժողովի որևէ անդամի մասնակցությունը հանձնաժողովի հետազա աշխատանքներին դառնում է անհնար, ապա հանձնաժողովի կազմը չի համալրվում:

21. Հանձնաժողովն իր լիազորություններն իրականացնում է սույն կարգի համաձայն հանձնաժողովի կազմը հաստատելու պահից վիճակ իր գործունեության դադարեցումը:

22. Հանձնաժողովի կազմում ընդգրկվում են՝

- 1) կրտսեի նախագահը կամ կրտսեի նախագահի առաջին տեղակալը
- 2) այն կառուցվածքային ստորաբաժանման դեկավարը կամ նրան փոխարինող պաշտոնատար անձը որի թափուր պաշտոն զբաղեցնելու համար հայտարարվել է տվյալ մրցույթը
- 3) անձնակազմի կառավարման ստորաբաժանման դեկավարը կամ նրան փոխարինող պաշտոնատար անձը
- 4) տվյալ պաշտոնի համար անհրաժեշտ մասնագիտական գիտելիքների և կրմաքետենցիաների տիրապետման մակարդակն ստուգելու կարողությունները ունեցող կրմիտեի այլ պաշտոնատար անձինք:

23. Հանձնաժողովն իր գործունեության ընթացքում դեկավարվում է «Հարկային ծառայության մասին» և «Մաքսային ծառայության մասին» Հայաստանի Հանրապետության օրենքներով, սույն կարգով և այլ իրավական ակտերով:

24. Հանձնաժողովը՝

- 1) իրավասու ստորաբաժանումից ստանում է մրցույթին մասնակցելու թույլտվություն ստացած քաղաքացիների փաստաթղթերը, հանձնաժողովի կտիքը և տվյալ թափուր պաշտոնի անձնագրի օրինակը
- 2) անցկացնում է մրցույթի մասնակիցների (այսուհետ՝ մասնակիցներ) թեստավորում
- 3) ամփոփում և իրապարակում է թեստավորման արդյունքները
- 4) քննարկում է թեստավորման արդյունքների հետ կապված մասնակիցների բողոքները
- 5) իրապարակում է մրցույթի հաջորդ՝ հարցազրոյցի փուլ անցած մասնակիցների ցանկը
- 6) որոշում է կայացնում հարցազրոյցի անցկացման օրվա մասին, որը չի կարող գերազանցել սույն կարգի 66-րդ կետով սահմանված ժամկետի ավարտից հետո 5 աշխատանքային օրը

- 7) մասնակիցների հետ անցկացնում է հարցազրոյց.
- 8) ամփոփում է մրցույթի արդյունքները.
- 9) հրապարակում է մրցույթի արդյունքները.
- 10) հաղթող ճանաչված մասնակի (մասնակիցների) վերաբերյալ տախու է եզրակացություն.
- 11) իրավասու ստորագրաժանմանն է հանձնում հանձնաժողովի կողման և մրցութային փաթեթը.
- 12) իրականացնում է «Հարկային ծառայության մասին» կամ «Մաքսային ծառայության մասին» Հայաստանի Հանրապետության օրենքներով և սույն կարգով իր իրավասությանը վերապահված այլ լիազորություններ:
25. Հանձնաժողովն իր աշխատանքները կազմակերպում է նիստերի միջոցով:
26. Հանձնաժողովի որոշումներն ընդունվում են քվեարկությամբ՝ քվեարկությանը մասնակցած անդամների կեսից ավելի կողմ ձայներով: Հանձնաժողովի որոշումները ստորագրվում են հանձնաժողովի անդամների կողմից:
27. Հանձնաժողովի նախագահը՝
- 1) նեկավարում է հանձնաժողովի աշխատանքները.
- 2) վարում է հանձնաժողովի նիստերը.
- 3) որոշում է մրցույթի հետ կապված հարցերի, դիմումների և բողոքների քննարկման հերթականությունը՝ այն համաձայնեցնելով հանձնաժողովի անդամների հետ.
- 4) իրականացնում է սույն կարգով իր իրավասությանը վերապահված այլ լիազորություններ:
28. Հանձնաժողովի անդամ՝
- 1) վարում է նիստերը՝ հանձնաժողովի նախագահի հանձնարարությամբ.
- 2) մասնակցում է հանձնաժողովի նիստերին.

- 3) մասնակցում է հարցազրույցի անցկացմանն ու տալիս հարցեր մասնակիցներին.
- 4) իրականացնում է հարցազրույցի փուլում մասնակցի (մասնակիցների) կրողմից տրված պատասխանների գնահատում.
- 5) իրավանացնում է սույն կարգով իր իրավատությանը վերապահված այլ լիազորություններ

29. Հանձնաժողովի քարտուղար՝

- 1) արձանագրում է հանձնաժողովի նիստերը, մրցույթի ընթացքը.
- 2) բացատրում է մրցույթի մասնակիցներին մրցույթի անցկացման հետ կապված տեխնիկական հարցերը.
- 3) գործարկում է մրցույթի անցկացման համար նախատեսված հատուկ համակարգչային ծրագիրը (այսուհետ՝ ծրագիր):

30. Հանձնաժողովը ձևավորվում է մրցույթի անցկացումից 24 ժամ առաջ: Հանձնաժողովի ձևավորման և հանձնաժողովի անդամների իրազեկման գործընթացը կազմակերպում է իրավասու ստորաբաժանումը:

31. Հանձնաժողովը մրցույթի վերաբերյալ եզրակացությունը կրմիտեի նախագահին ներկայացնելուց անմիջապես հետո իրավասու ստորաբաժանմանն է հանձնում մրցութային փաթեթն ու կնիքը և դադարեցնում իր գործունեությունը:

III. ՄՐՑՈՒՅԹԻ ՄԱՍԻՆ ՀԱՅՏԱՐԱՐՈՒԹՅՈՒՆԸ

32. Մրցույթն անցկացնելու մասին հայտարարությունը (այսուհետ՝ հայտարարություն) իրապարակվում է իրավասու ստորաբաժանման միջոցով:
33. Հայտարարությունը, իրավական ակտերի ցանկը, որոնցից բխում են սույն կարգի 49-րդ և 75-րդ կետերով նախատեսված առաջադրանքներն ու հարցերը,

հրապարակվում են մրցույթի անցկացումից ոչ ուշ, քան մեկ ամիս առաջ, կոմիտեի պաշտոնական կայքէջում և Հայաստանի Հանրապետության հրապարակային ծանուցումների պաշտոնական ինտերնետային կայքէջում՝ www.azdarar.am:

34. Հայտարարությունը պետք է ներառի առնվազն հետևյալ տեղեկությունները՝

- 1) մրցույթի տեսակը.
- 2) հարկային կամ մաքսային ծառայության թափուր պաշտոնի անվանումը և ծածկագիրը.
- 3) հարկային կամ մաքսային ծառայության տվյալ պաշտոնի գործառույթները, ինչպես նաև պաշտոնը զբաղեցնելու համար անհրաժեշտ մասնագիտական գիտելիքների և կոմպետենցիաների տիրապետուման տեսանկյունից ներկայացվող պահանջները սահմանող պաշտոնի անձնագրի էլեկտրոնային համապատասխան հղումը.
- 4) օրենքով տվյալ պաշտոնի համար նախատեսված պաշտոնային դրույքաչափը.
- 5) մրցույթին մասնակցելու համար պահանջվող փաստաթղթերի ցանկը.
- 6) փաստաթղթերի ներկայացման կարգը և վերջնաժամկետը, որը հայտարարության հրապարակմանը հաջորդող 5-րդ աշխատանքային օրն է, ընդ որում, աշխատանքային օրերը հաշվարկվում են 24-ժամյա ռեժիմով.

7) մրցույթն սկսելու օրը, ամիսը, տարին, ժամը և վայրը.

8) իրավասու ստորաբաժանման գտնվելու վայրը և հեռախոսահամարը:

35. Մրցույթ հայտարարելուց հետո սույն կարգի 34-րդ կետի 7-րդ ենթակետով սահմանված տվյալները կարող են փոփոխվել՝ դրա մասին ոչ ուշ, քան մրցույթ անցկացնելու օրվանից մեկ շաբաթ առաջ հայտարարություն հրապարակելով այն նույն միջոցով, որով հրապարակվել է մրցույթ անցկացնելու մասին հայտարարությունը: Ըստ որում, փոխված ժամկետը չի կարող լինել ավելի շուտ, քան մրցույթի համար հայտարարված ժամկետն է:

IV. ՄՐՑՈՒՅԹԻՆ ՆԱԽԱՊԱՏՐԱՍՏԱԿԱՆ ԱՇԽԱՏԱՆՔՆԵՐԸ

36. Մրցույթին մասնակցելու համար քաղաքացին փաստաթղթերը ներկայացնում է էլեկտրոնային եղանակով:

37. Մրցույթին մասնակցելու համար քաղաքացին էլեկտրոնային եղանակով ներկայացնում է՝

1) լրացված դիմում (ձև N 1).

2) անձնագրի կամ նույնականացման քարտի պատճենը.

3) անձնագիր ներկայացնելու պարագայում հանրային ծառայությունների համարանիշի պատճենը (կամ սոցիալական քարտի պատճենը կամ անձին հանրային ծառայությունների համարանիշ տրամադրելու մասին տեղեկանքի կամ հանրային ծառայությունների համարանիշ չստանալու վերաբերյալ տեղեկանքի պատճենը).

4) հարկային կամ մաքսային ծառայության տվյալ թափուր պաշտոնի անձնագրով սահմանված մասնագիտական գիտելիքների և աշխատանքային գործունեության մասով պահանջների բավարարումը հավաստող փաստաթղթերի պատճենները.

5) հայտարարություն այն մասին, որ ապագա աշխատանքն անմիջական ենթակայությամբ կամ վերահսկողությամբ կապված չէ մերձավոր ազգակցությամբ կամ ինսամիությամբ կապված հարկային կամ մաքսային ծառայողների հետ, դիմողը դատական կարգով անզործունակ կամ սահմանափակ գործունակ ճանաչված չէ, ինչպես նաև Հայաստանի Հանրապետության կառավարության սահմանած հանրային ծառայության պաշտոնում նշանակվելու դեպքում ծառայողական պարտականությունների կատարմանը և լիսգորություններով չի տառապում (ձև N 2).

6) արական սեղի անձինք ներկայացնում են նաև զինգրքոյլի կամ դրան փոխարինող ժամանակավոր և զորակոչային տեղամասին կցազման վկայականի պատճենը կամ համապատասխան տեղեկանքի պատճենը:

7) ինքնակենսագրություն (CV).

8) սեկլ լուսանկար՝ 3 x 4 սմ չափսի:

38. Իրավասու ստորաբաժանումն ուսումնասիրում է ներկայացված փաստաթղթերի ամրողականությունը և կենսորուսային եղանակով տեղեկացնում է քաղաքացուն փաստաթղթերի ընդունման, ինչպես նաև դրանց ամրողականության վերաբերյալ: Եթե քաղաքացու ներկայացրած փաստաթղթերն ամրողական չեն, և (կամ) դրանցում առկա են տեխնիկական սխալներ, ապա քաղաքացուն տրվում է հնարավորություն 2 աշխատանքային օրվա ընթացքում համարելու անհրաժեշտ փաստաթղթերի ցանկը և (կամ) շուկերու առկա տեխնիկական վայրմերը:

39. Իրավասու ստորաբաժանումը մրցույթին մասնակցելու համար փաստաթղթեր ներկայացնելու ժամկետի ավարտից հետո, Հայաստանի Հանրապետության ոստիկանության մարմնին հարցում կատարելու միջոցով 2 աշխատանքային օրվա ընթացքում տեղեկանք է ստանում մրցույթին մասնակցելու դիմում ներկայացրած քաղաքացիների դատվածության վերաբերյալ:

40. Իրավասու ստորաբաժանումն ուսումնասիրում է ներկայացված փաստաթղթերի ամրողականությունն ու համապատասխանությունն օրենքին և այլ իրավական ակտերի դրույթներին:

41. Փաստաթղթերի ուսումնասիրությունից հետո իրավասու ստորաբաժանումը տախս է եզրակացություն փաստաթղթերի ամրողականության ու դրանց՝ օրենքի և այլ իրավական ակտերի պահանջներին համապատասխանության մասին:

42. Քաղաքացուն միջույթին մասնակցել թույլատրելու կամ չթույլատրելու մասին որոշումը կայացնում է կոմիտեի գլխավոր քարտուղարը՝ իրավասու ստորաբաժանման տված եզրակացության հիման վրա: Միջույթի մասնակցության որոշման մասին իրավասու ստորաբաժանումը երեք աշխատանքային օրվա ընթացքում էլեկտրոնային տարրերակով տեղեկացնում է դիմող քաղաքացուն:

43. Քաղաքացուն չի թույլատրվում մասնակցել միջույթին, եթե քաղաքացին չի համապատասխանում հարկային կամ մաքսային ծառայության պաշտոն զրադեցնելու օրենքներով սահմանված պահանջներին կամ քաղաքացու ներկայացրած փաստաթղթերը չեն համապատասխանում տվյալ պաշտոնի անձնագրի պահանջներին, լրիվ չեն կամ թերի են կամ չեն համապատասխանում տույն կարգով սահմանված պահանջներին և տույն կարգի 38-րդ կետով սահմանված ժամկետում չեն շռկվել:

44. Միջույթի նախապատրաստական աշխատանքները պատշաճ ձևով կազմակերպելու, միջույթների վերաբերյալ ամփոփ հաշվետվություններ կազմելու, վիճակագրական վերլուծություններ կատարելու նպատակով իրավասու ստորաբաժանման կողմից վարվում է էլեկտրոնային մատյան, որտեղ գրանցվում են հայտարարված միջույթներին մասնակցելու համար դիմած քաղաքացիների տվյալները՝ ազգանունը, անունը, հայրանունը, քաղաքացիությունը, սեռը, ծննդյան տարեթիվը, ամիսը, ամսաթիվը, անձնագրի կամ նույնականացման քարտի սերիան, համարը, տարու ամսաթիվը, ում կողմից տրված լինելը, վավերականության ժամկետը, հանրային ծառայության համարանիշը կամ համապատասխան տեղեկանքի համարը և տալու ամսաթիվը, հաշվառման և բնակության հասցեները, հեռախոսահամարները, էլեկտրոնային փոստի հասցեն, ներկայացված փաստաթղթերի անվանումները:

45. Մրցույթին մասնակցելու համար դիմում ներկայացրած ցանկացած քաղաքացի կարող է մինչև սույն կարգի 34-րդ կետի 6-րդ ենթակետում նշված ժամկետի ավարտը, համապատասխան դիմում ներկայացնելու միջոցով, իրաժարվել մրցույթին մասնակցելուց:

46. Եթե սույն կարգի 43-րդ կետին համապատասխան, մրցույթին մասնակցելու համար դիմած քաղաքացիներից ոչ մեկին չի թույլատրվում մասնակցել մրցույթին կամ մրցույթին մասնակցելու համար դիմում ներկայացրած անձանցից ոչ մեկը չի ներկայանում, ապա մրցույթը համարվում է չկայացած:

47. Մրցույթի թեստավորումն անցկացնելու համար թեստային առաջադրանքներու մ գետեղված հարցերի (խնդիրների) թիվն ըստ հարկային կամ մաքսային ծառայության պաշտոնների խմբի թափուր պաշտոն զրադեցնելու համար մրցույթի դեպքում՝ 50 հարց (խնդիր).

2) հարկային կամ մաքսային ծառայության գլխավոր պաշտոնների խմբի թափուր պաշտոն զրադեցնելու համար մրցույթի դեպքում՝ 40 հարց (խնդիր).

3) հարկային կամ մաքսային ծառայության առաջատար պաշտոնների խմբի թափուր պաշտոն զրադեցնելու համար մրցույթի դեպքում՝ 30 հարց (խնդիր).

4) հարկային կամ մաքսային ծառայության կրտսեր պաշտոնների խմբի թափուր պաշտոն զրադեցնելու համար մրցույթի դեպքում՝ 20 հարց (խնդիր):

48. Ցուրաքանչյուր թեստային առաջադրանքում ընդգրկված հարցերը (խնդիրները) տարրերակվում են ըստ թեմատիկ բնագավառների՝ հետևյալ չափաժիններով՝

1) Հայաստանի Հանրապետության Սահմանադրություն՝ 10 տոկոս.

2) հարկային կամ մաքսային օրենսդրության մասին ընդիանուր հարցեր՝ 40 տոկոս.

3) հարկային կամ մաքսային ծառայության մասին օրենսդրություն՝ 30 տոկոս.

4) տվյալ կառուցվածքային ստորաբաժանման իրավասություններին առնչվող այլ իրավական ակտեր՝ 10 տոկոս.

5) տվյալ պաշտոնի անձնագրով նախատեսված կրոմականությանը՝ 10 տոկոս:

49. Մրցույթների թեստային առաջադրանքների կազմում ապահովում է կրոմիտեի նախագահի հրամանով սահմանված համապատասխան ստորաբաժանումը կամ աշխատանքային խումբը:

V. ԹԵՍՏԱՎՈՐՄԱՆ ԱՆՑԿԱՑՈՒՄԸ

50. Թեստավորումն անցկացվում է այդ նպատակի համար առանձնացված սենյակում (պահում, լսարանում, դահլիճում և այլն), որն ապահովված է համապատասխան պայմաններով: Ասիրամեշտության դեպքում հանձնաժողովն ստեղծում է համապատասխան պայմաններ սահմանափակ ֆիզիկական հսարավորություններ ունեցող մասնակիցների՝ մրցույթին մասնակցելու համար:

51. Մասնակիցը թեստավորմանը մասնակցելու համար ներկայացնում է անձը հաստատող փաստաթուղթ: Հանձնաժողովի քարտուղարն ստուգում է մասնակցի ինքնությունը և թույլատրում նրան մուտք գործել թեստավորման անցկացման սենյակ, որտեղ մասնակիցը կարող է գրադարձնել ցանկացած ազատ տեղ: Մասնակիցների մուտքը սենյակ դադարեցվում է թեստավորումն սկսվելուց 10 րոպե առաջ:

52. Թեստավորման մասնակիցներին արգելվում է իրենց հետ թեստավորման սենյակ ներս բերել տպագիր, ձեռագիր նյութեր, կասպի միջոցներ կամ այլ տեխնիկական կամ էլեկտրոնային սարքեր:

53. Հանձնաժողովի քարտուղարը թեստավորումն սկսվելուց առաջ մասնակիցներին բացատրում է թեստավորման անցկացման հետ կապված տեխնիկական հարցերը և պատասխանում մասնակիցների բոլոր հարցերին:

54. Թեստավորման սկիզբը մեխարկում է համձնաժողովի քարտուղարի

համապատասխան հայտարարությունից հետո:

55. Թեստավորման ընթացքում մասնակիցներին չի թույլատրվում աղմկել, հուշել, խոսել,

հարցել տալ ներկա գտնվող անձանց, այդ թվում համձնաժողովի անդամներին (բացառությամբ տեխնիկական բնույթի հարցերի), ինչպես նաև՝ դուրս գալ թեստավորման սենյակից: Մասնակցի կրողից սույն կետով արգելված գործողությունները կատարվելու դեպքում դադարեցվում է մասնակցի աշխատանքը, այն ճանաչվում է անվավեր և գնահատվում է զրո միավոր: Մասնակցի կրողից սենյակը լեկու դեպքում նրա աշխատանքը համարվում է ավարտված:

56. Թեստավորման առաջադրանքները բաղկացած են հարցերից (խնդիրներից) և

դրանց 3 ենթադրյալ պատասխաններից, որոնցից մեկը ճիշտ պատասխան է:

57. Թեստավորման առաջադրանքները կատարելու համար մասնակիցներին տրվում է՝

1) հարկային կամ մաքսային ծառայության բարձրագույն պաշտոնների խմբի թափուր պաշտոն զրադիցնելու համար մրցույթի դեպքում՝ 100 րոպե:

2) հարկային կամ մաքսային ծառայության գլխավոր պաշտոնների խմբի թափուր պաշտոն զրադիցնելու համար մրցույթի դեպքում՝ 80 րոպե:

3) հարկային կամ մաքսային ծառայության առաջատար պաշտոնների խմբի թափուր պաշտոն զրադիցնելու համար մրցույթի դեպքում՝ 60 րոպե:

4) հարկային կամ մաքսային ծառայության կրտսեր պաշտոնների խմբի թափուր պաշտոն զրադիցնելու համար մրցույթի դեպքում՝ 40 րոպե:

58. Թեստավորման արդյունքների յուրաքանչյուր ճիշտ պատասխան գնահատվում է մեկ

միավոր, իսկ սխալ պատասխանը՝ զրո միավոր:

VI. ԾՐԱԳՐԻ ԿԻՐԱԾՈՒՄԸ

59. Մրցույթի անցկացումն իրականացվում է ծրագրի կիրառման միջոցով: Ծրագրում նախապես գետեղված հարցաշարից յուրաքանչյուր մասնակցի համար պատահական ընտրությամբ կազմվում են տվյալ մրցույթն անցկացնելու համար համապատասխան առաջադրանքները:

60. Ծրագրով ապահովվում է՝

- 1) թեստավորման մասնակցի նույնականացումը.
- 2) պատահականության սկզբունքով մասնակցի թեստավորման առաջադրանքների գեներացումը և դուրսբերումն Էկրանի վրա.
- 3) մասնակցի պատասխանների ընդունումը և թեստի լրացման ճշտության ստուգումը.
- 4) առաջադրանքի կատարման արդյունքների գնահատումը և միավորների հաշվարկումը.
- 5) առաջադրանքի կատարման արդյունքների փաստաթղթավորումը և արտաքրումը.
- 6) հարցազրույցի մասնակիցների նույնականացումը.
- 7) պատահականության սկզբունքով մասնակցի հարցազրույցի առաջադրանքների գեներացումը և արտաքրումը.
- 8) թեստավորման և հարցազրույցի գնահատականների միավորումը.
- 9) մրցույթի արդյունքների՝ մրցույթում հաղթողների առանձնացմամբ, փաստաթղթավորումը և արտաքրումը:

61. Ծրագրի կիրառման ընթացակարգը հաստատում է կրտսերի նախագահը:

62. Տեխնիկական խնդիրներ առաջանալու դեպքում, դրանց վերացումից հետո մասնակցի համար գեներացվում է թեստավորման նոր առաջադրանք՝ սույն կարգի 57-րդ կետում սահմանված համապատասխան ժամկետով, իսկ եթե խոտանը հսարավոր չէ վերացնել

մինչև երկու ժամվա ընթացքում, ապա թեստավորումը կազմակերպվում է հաջորդող աշխատանքային օրը:

Ըստ որում, եթե մինչև տեսակական խնդիրների առաջանալը մասնակցի առաջադրանքների կատարման արդյունքները գնահատվել են և թեստավորման արդյունքը հաշվարկվել է, ապա տվյալ մասնակցի համար թեստավորումը համարվում է ավարտած:

VII. ԹԵՍՏԱՎՈՐՄԱՆ ԱՐԴՅՈՒՆՔՆԵՐԻ ԱՄՓՈՓՈՒՄԸ

63. Թեստավորման արդյունքները հանձնաժողովին բողոքարկվում են գրավոր՝ թեստավորման սահմանված ժամանակի ավարտից հետո մեկ ժամվա ընթացքում:

64. Բողոքարկումը թեստավորման առաջադրանքի որևէ հարցադրման կամ դրա ենթադրյալ պատասխանի ճշության, ինչպես նաև թեստավորման արդյունքում մասնակցի հավաքած վիճակները հաշվեկիս թոյլ տրված հնարավոր սխալի վիճարկումն է:

65. Հանձնաժողովը սույն կարգի 63-րդ կետում սահմանված ժամկետի ավարտից հետո երկու ժամվա ընթացքում ուսումնավրում է բողոքը և եթե պարզում է, որ թեստավորման արդյունքների հաշվարկման ժամանակ թոյլ տրված հավանական սխալի վերաբերյալ մասնակցի բողոքը հիմնավորված է, ապա հանձնաժողովը բավարարում է մասնակցի պահանջ՝ կատարելով թեստավորման արդյունքների ճիշտ հաշվարկ: Եթե հանձնաժողովը որոշում է բավարարել մասնակցի բողոքը և սխալ է համարում որևէ հարցադրում, ապա այդ որոշման հիման վրա տվյալ հարցը (խնդիրը) պարունակող թեստավորման առաջադրանքները լրացրած բոլոր մասնակիցների համար կատարվում է թեստավորման արդյունքների ճիշտ հաշվարկ:

66. Բողոքարկման արդյունքներն անփոփուց անմիջապես հետո, ինչպես նաև բողոք չինելու դեպքում հանձնաժողովը համապատասխան ցուցանակի վրա հրապարակում է

մրցույթի հարցազրույցի փուլ անցած մասնակիցների ցանկը՝ իրավասու ստորաբաժանման միջոցով:

67. Մասնակիցը մրցույթի հարցազրույցի փուլ է անցնում թեստավորման առաջադրանքների առնվազն 90 տոկոսին ճիշտ պատասխանելու դեպքուն:
68. Եթե մասնակիցներից ոչ մեկը թեստավորման առաջադրանքների առնվազն 90 տոկոսին ճիշտ պատասխան չի տվել կամ թեստավորման առաջադրանքների առնվազն 90 տոկոսին ճիշտ պատասխան տված միակ մասնակիցը կամ բոլոր մասնակիցները գրավոր հրաժարվել են մասնակցել կամ չեն ներկայացել հարցազրույցի փուլին կամ դադարեցվել է միակ մասնակիցի կամ բոլոր մասնակիցների մասնակցությունը մրցույթին, ապա հանձնաժողովն ընդունում է որոշում մրցույթի արդյունքում հաղթող չճանաչելու մասին և այդ որոշումը ներկայացնում է կոմիտեի նախագահին:

VIII. ՀԱՐՑԱԶՐՈՒՅՑԻ ԱՆՑԿԱՑՈՒՄԸԸ

69. Հարցազրույցին մասնակցելու իրավունք ձեռք բերած մասնակիցների հետ անցկացվում է հարցազրույց, որի ընթացքն արձանագրվում է հանձնաժողովի քարտուղարի կողմից:

70. Մասնակիցների հետ հարցազրույցն անցկացվում է հարցատոմսերով՝ մասնագիտական գիտելիքները և կոմպետենսցիաներն ստուգելու նպատակով: Հանձնաժողովը յուրաքանչյուր մասնակիցի հետ հարցազրույցն անցկացնում է առանձին:

71. Հանձնաժողովը, յուրաքանչյուր մասնակիցի հետ հարցազրույցից առաջ, նրա ներկայությամբ, ծրագրում նախապես գետեղված հարցերից պատահական ընտրությամբ ձևավորում է հարցատոմս՝ հետևյալ չափաբաժններով՝

1) համապատասխանաբար՝ հարկային կամ մաքսային ծառայության օրենսդրության ընագավառին վերաբերող 1 հարց.

2) մասնագիտական իրավասությունը սահմանող օրենսդրության ընագավառին վերաբերող 4 հարց, որից 1 հարց՝ կրնկրեալ կառուցվածքային ստորաբաժանման իրավասության հետ կապված, և 3 հարց՝ կրնկրեալ պաշտոնի անձնագրի մասնագիտական գիտելիքների և կոմպետենցիաների հետ կապված, այդ թվում՝ նաև հարկային կամ մաքսային ծառայության այն պաշտոնի, որը որպես փոխարինող նաև կարող է զրադեցնել:

72. Հանձնաժողովի յուրաքանչյուր անդամին տրվում է հարցատոմսի հարցերի ճիշտ պատասխանների ձևանմուշ, որում նշվում է նաև մասնակցի ազգանունը, հայրանունը, անունը:

73. Մասնակիցը, ծանոթանալով հարցատոմսին, իր նախընտրած հերթականությամբ պատասխանում է հարցերին: Հարցերին ծանոթանալու համար մասնակցին տրվում է մինչև 10 րոպե ժամանակ: Հարցազրոյցի ընթացքում մասնակցին կարող են տրվել նաև հարցատոմսի հարցերին առնչվող հարակից բանավոր հարցեր, որոնք գնահատվում են հարցատոմսի համապատասխան հարցի պատասխանի համատեքստում:

74. Հարցատոմսի յուրաքանչյուր հարցին պատասխանելուց հետո հանձնաժողովի յուրաքանչյուր անդամ մասնակցի պատասխանը գնահատում է առավելագույնը 2 միավորով՝ հետևյալ կերպ՝ ամրողական պատասխանի դեպքում՝ 2 միավորով, թերի պատասխանի դեպքում՝ 1 միավորով, իսկ վսալ պատասխանի կամ պատասխան չհնչեցնելու դեպքում՝ 0 միավորով:

75. Հարցազրոյցի հարցերի և դրանց ճիշտ պատասխանների կազմում ապահովում է սույն կարգի 49-րդ կետում նշված ստորաբաժանումը կամ աշխատանքային խումբը: Հարցերը բարդության աստիճանով պետք է տարբերվեն միմյանցից՝ ըստ հարկային կամ մաքսային ծառայության պաշտոնների խմբերի: Հարցերը և դրանց ճիշտ պատասխանները չեն հրապարակվում:

76. Յուրաքանչյուր մրցույթ անցկացնելուց առնվազն մեկ ամիս առաջ մրցույթի հարցազրույցի հարցերը և դրանց ճիշտ պատասխանները ներկայացվում են Կոմիտեի նախագահին՝ հաստատման:

77. Սույն կարգի 75-րդ կետով նախատեսված հարցերը և դրանց ճիշտ պատասխանները կողավորվում են՝ ըստ բնագավառների և ըստ պաշտոնների խմբերի: Հարցերը և դրանց ճիշտ պատասխանները գետեղվում են ծրագրում:

78. Հարցազրույցի ընթացքում մասնակիցներին չի թույլատրվում օգտվել որևէ գրավոր (տպագիր, ձեռագիր և այլն) նյութից, կապի միջոցներից կամ այլ տեխնիկական սարքերից, ինչպես նաև հարցատոմսի հարցերին պատասխանելու համար աղբյուր հանդիսացող այլ միջոցներից, հարցատոմսի հարցերին պատասխանելու հետ կապված հարցեր տալ ներկա գունվող անձանց, այդ թվում՝ հանձնաժողովի անդամներին, ինչպես նաև դուրս գալ սենյակից:

79. Սույն կարգի 78-րդ կետում նշված պահանջների խախտման դեպքում հանձնաժողովը կազմում է արձանագրություն և դադարեցնում է տվյալ մասնակցի մասնակցությունը մրցույթին:

80. Հանձնաժողովի անդամները գնահատումն իրականացնում են հարցատոմսի հարցերի ճիշտ պատասխանների ձևանմուշի վրա՝ տվյալ մասնակցի հետ հարցազրույցն ավարտելուց անմիջապես հետո: Հանձնաժողովի յուրաքանչյուր անդամի կողմից գնահատված և ստորագրված ձևանմուշներն ստորագրվում և կնքվում են հանձնաժողովի նախագահի կողմից: Հանձնաժողովի յուրաքանչյուր անդամ գնահատված ձևանմուշը մասնակցի ներկայությամբ զցում է դրա համար նախատեսված՝ կնքված արկրի մեջ:

81. Բոլոր մասնակիցների հետ հարցազրույց անցկացնելուց հետո մասնակիցները կրամիրվում են հարցազրույցի անցկացման սենյակ, որից հետո հանձնաժողովի նախագահը հայտարարում է մասնակցի ազգանունը, անունը, հայրանունը, հարցազրույցի փուլում մասնակցի հավաքած միավորների ընդհանուր քանակը և դրա տոկոսային արտահայտությունը:

82. Հարցազրոյցի արդյունքներն ամփոփելուց հետո հանձնաժողովի նպասգահը հայտարարում է այն մասնակիցների ազգանունը, անունը, հայրանունը, ովքեր հաղթահարել են մրցույթի հարցազրոյցի փուլը և այն մասնակիցների ազգանունը, անունը, հայրանունը, ովքեր մրցույթի արդյունքում ճանաչվել են հաղթողներ:

83. Գնահատականների ամփոփման ժամանակ համարվում է, որ հանձնաժողովի անդամը քվեարկել է կողմ, եթե մասնակցին տրված իր միավորների տոկոսային արտահայտությունը կազմում է առնվազն 80 տոկոս, իսկ 80 տոկոսից ցածր լինելու դեպքում ընդունվում է, որ հանձնաժողովի անդամը քվեարկել է դեմ:

84. Հանձնաժողովի՝ քվեարկությանը մասնակցած անդամների կեսից ավելի կողմ ձայների դեպքում մասնակիցը համարվում է հարցազրոյցի փուլը հաղթահարած:

X. ՄՐՑՈՒՅԹԻ ԱՐԴՅՈՒՆՔՆԵՐԻ ԱՄՓՈՓՈՒՄԸ ԵԶՐԱԿԱՑՈՒԹՅՈՒՆԸ

85. Մրցույթում հաղթող են ճանաչվում հարցազրոյցի փուլը հաղթահարած այն երեք մասնակիցները, որոնց թեստավորման և հարցազրոյցի փուլերի արդյունքում ստացած տոկոսների (հարցազրոյցի փուլի համար՝ հաշվարկված քվեարկությանը մասնակցած հանձնաժողովի անդամների կողմից տրված տոկոսային մեծությունների միջին թվաքանականով) հանրագումարն առավելագույնն է: Եթե միևնույն առավելագույն տոկոսներ ստանալու դեպքում հնարավոր չէ պարզել մրցույթի երեք հաղթողներին, ապա միևնույն առավելագույն տոկոսներ ստացած մասնակիցները ճանաչվում են մրցույթի հաղթողներ:

86. Եթե մրցույթի հարցազրոյցի փուլում մասնակիցներից ոչ մեկը քվեարկության արդյունքում չի հավաքել հանձնաժողովի՝ քվեարկությանը մասնակցած անդամների կեսից ավելի կողմ ձայներ, ապա հանձնաժողովն ընդունում է որոշում մրցույթի արդյունքում հաղթող չճանաչելու մասին և այդ որոշումը ներկայացնում է կոմիտեի նպասգահին:

87. Մրցույթի արդյունքներն ամփոփելուց հետո հանձնաժողովն ընդունում է որոշում մրցույթն ավարտված համարելու մասին:

88. Հանձնաժողովը մրցույթն ավարտված համարելու մասին որոշումն ընդունելուց հետո կոմիտեի նախագահին է ներկայացնում մրցույթի արդյունքում հաղթող ճանաչված մասնակիցների մասին եզրակացություն (այսուհետ՝ եզրակացություն):

89. Եզրակացության մեջ նշվում են՝

- 1) հարկային կամ մաքսային ծառայության թափուր պաշտոնի անվանումը, որը գրադեցնելու համար անցկացվել է մրցույթը.
- 2) մրցույթի անցկացման տարեթիվը, ամսաթիվը (ամսաթվերը) և վայրը.
- 3) հաղթող ճանաչված մասնակիցները, ազգանունները, անունները, հայրանունները.
- 4) հաղթող ճանաչված մասնակիցներից յուրաքանչյուրի հավաքած միավորների քանակը (տոկոսը), այդ թվում՝ թեստավորման փուլի արդյունք, հարցազրոյցի փուլի արդյունք՝ հանձնաժողովի յուրքանաչյուր անդամի քվեարկության արդյունքների միջին գնահատական, և մրցույթի արդյունք՝ ըստ մասնակիցների ստացած տոկոսների մեջից փոքր հերթականությամբ:

90. Եզրակացությունն ստորագրում են մրցույթին ներկա գտնված հանձնաժողովի բոլոր անդամները, իսկ հասուկ կարծիք ունենալու դեպքում հանձնաժողովի անդամը նշում է որա մասին՝ ստորագրության կողմին գրելով «Հասուկ կարծիքը կցվում է» բառերը:

91. Եզրակացությանը կից ներկայացվում են՝

- 1) հաղթող ճանաչված մասնակիցների կողմից մրցույթին մասնակցելու համար ներկայացված փաստաթղթերը.
- 2) Եզրակացության վերաբերյալ հասուկ կարծիքի առկայության դեպքում՝ հանձնաժողովի անդամների հասուկ կարծիքները:

92. Եզրակացությունն ստանալուց հետո կոմիտեի նախագահը մրցույթի արդյունքում մասնաշխատ մասնակիցներից մեկին 3 աշխատանքային օրվա ընթացքում նշանակում է համապատասխան պաշտոնում:

X. ՄՐՑՈՒՅԹԻ ԱՐԴՅՈՒՆՔՆԵՐԻ ՊԱՇՏՈՆԱԿԱՆ ՀՐԱՊԱՐԱԿՈՒՄԸ

93. Մրցույթի արդյունքները պաշտոնապես հրապարակվում են մրցույթի արդյունքում պաշտոնի նշանակման իրավական ակտն ուժի մեջ մտնելու հաջորդ աշխատանքային օրը՝ կոմիտեի պաշտոնական կայքէջում:

94. Մրցույթի արդյունքների պաշտոնական հրապարակման մեջ նշվում են՝

- 1) հարկային կամ մաքսային ծառայության թափուր պաշտոնի անվանումը, որն զբաղեցնելու համար անցկացվել է մրցույթը,
- 2) մրցույթի անցկացման տարեթիվը, ամիսը, ամսաթիվը (ամսաթվերը),
- 3) մրցույթում հաղթող ճանաչված մասնակիցների ազգանունները, անունները, հայրանունները,

4) մրցույթի արդյունքում պաշտոնի նշանակված անձի տվյալները՝ ազգանունը, անունը, հայրանունը,

5) մրցույթի արդյունքում հաղթող ճանաչվելու դեպքում՝ համապատասխան դրոշումը:

XI. ԿՐԿԱՆԿԻ ԿԱՄ ՆՈՐ ՄՐՑՈՒՅԹԻ ԱՆՑԿԱՑՈՒՄԸ

95. Եթե հանձնաժողովն իրավագոր չէ (հանձնաժողովի անդամների թիվը 5-ից պակաս է), ապա մրցույթը համարվում է չկայացած, և անցկացվում է կրկնակի մրցույթ: Հանձնաժողովի ներկա անդամները դրա մասին կազմում և ստորագրում են արձանագրություն:

96. Կրկնակի մրցույթի ժամանակ մրցույթին մասնակցելու համար նոր դիմումներ չեն ընդունվում, և այն անցկացվում է 10-օրյա ժամկետում՝ ըստիանուր հիմունքներով:

97. Մրցույթն անվավեր է ճանաչվում դատական կարգով:

98. Մրցույթը համարվում է չկայացած և մեկ ամսվա ընթացքում ընդիանուր հիմունքներով նոր մրցույթ է անցկացվում, եթե՝

- 1) մրցույթին մասնակցելու համար ոչ սի դիմում չի ներկայացվել (այդ դեպքում համձամողով չի կազմավորվում).
- 2) մրցույթին մասնակցելու համար ներկայացված բոլոր դիմումները չեն համապատասխանում օրենքների պահանջներին.
- 3) մրցույթին մասնակցելու համար դիմում ներկայացրած անձանցից ոչ մեկը չի ներկայացել:

99. Եթե նոր կամ կրկնակի մրցույթը համարվում է չկայացած (անվավեր), ինչպես նաև նոր կամ կրկնակի մրցույթի արդյունքում հաղթող չի ճանաչվում, ապա հարկային կամ մաքսային ծառայության տվյալ թափուր պաշտոնը գրադենելու համար մեկ ամսվա ընթացքում հայտարարվում է նոր մրցույթ:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԱՇԽԱՏԱԿԱԶՄԻ
ՂԵԿԱՎԱՐ

Է. ԱՊԱՋԱՆՅԱՆ